

T-1

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 111. sjednici, održanoj dana 01.07.2021. godine, d o n o s i

ZAKLJUČAK

I.

Utvrđuje se Prijedlog Zakona o izmjeni i dopuni Zakona o Javnoj ustanovi Univerzitet u Zenici – Prečišćeni tekst („Službene novine Zeničko-dobojskog kantona“, broj: 1/18 i 10/18).

II.

Prijedlog Zakona iz tačke I. ovog zaključka upućuje se u dalju skupštinsku proceduru, po skraćenom postupku.

III.

Zaključak stupa na snagu danom donošenja.

Broj: 02- 02-9341 /21
Datum, 01.07.2021. godine
Zenica

DOSTAVLJENO:

1x Ministarstvo za obrazovanje, nauku, kulturu i sport,
 Stručna služba Skupštine,
1x a/a.



Na osnovu člana 37. stav 1. tačka f), Ustava Zeničko-dobojskog kantona, Skupština Zeničko-dobojskog kantona na _____sjednici, održanoj dana _____ 2021. godine, d o n o s i

**ZAKON O IZMJENI I DOPUNI ZAKONA
O JAVNOJ USTANOVI UNIVERZITET U ZENICI**

**Član 1.
(Izmjena člana 11.)**

U Zakonu o Javnoj ustanovi Univerzitet u Zenici – Prečišćeni tekst („Službene novine Zeničko-dobojskog kantona“, broj: 1/18 i 10/18), član 11., mijenja se i glasi:

„Univerzitet u svom sastavu može imati pridružene članice i članice sa posebnim statusom. Pridružena članica je ustanova kojoj je osnivač Skupština Kantona, a postoje opravdane akademske potrebe za njenim djelovanjem u okviru Univerziteta, o čemu prethodnu odluku donosi Senat Univerziteta, uz saglasnost Vlade Kantona.

Položaj i djelovanje pridružene članice bliže se uređuje posebnim sporazumom o ostvarivanju akademskih prava i obaveza, kao i vremenskom trajanju akademskog rada i djelovanja u okvirima Univerziteta u Zenici, zaključenom između rukovodioca pridružene članice i rektora Univerziteta.

Poseban status ima članica čiji osnivač nije Skupština Kantona, a postoje opravdane akademske potrebe za njenim djelovanjem u okviru Univerziteta, o čemu prethodnu odluku donosi Senat Univerziteta, uz saglasnost Vlade Kantona.

Položaj i djelovanje članice sa posebnim statusom bliže se uređuje Ugovorom o njenom položaju i djelovanju u sastavu Univerziteta u Zenici zaključenom između ovlaštenih predstavnika osnivača.“

**Član 2.
(Novi član 11a.)**

Iza člana 11., dodaje se novi član i glasi:

„Član 11a.

Islamski pedagoški fakultet u Zenici, (u daljem tekstu: Islamski pedagoški fakultet), je ravnopravna akademska članica Univerziteta sa posebnim statusom.

Islamski pedagoški fakultet izjednačen je u svim akademskim pravima i obavezama sa ostalim organizacionim jedinicima u sastavu Univerziteta.

Islamski pedagoški fakultet zadržava svojstvo pravnog lica, kao i posebnog budžetskog korisnika i pravnog djelovanja prema trećim licima u skladu sa zakonom.

Odnos Univerziteta i Islamskog pedagoškog fakulteta u segmentu akademskih pitanja, bliže se uređuje Sporazumom o ostvarivanju akademskih prava i obaveza, zaključenom između dekana i rektora Univerziteta.“

Član 3.
(Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj:
Datum,
Zenica

PREDSJEDAVAJUĆI

Ćazim Huskić

Obrazloženje

Pravni osnov:

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:

Predložena izmjena i dopuna Zakona Javnoj ustanovi Univerzitet u Zenici dodatno uređuje statusna pitanja kao i odnose između Univerziteta u Zenici i njegovih pridruženih članica, (*ustanova kojima je također osnivač Skupština Zeničko-dobojskog kantona*), kao i članica sa posebnim statusom, (*dakle ustanova kojima nije osnivač Skupština Zeničko-dobojskog kantona*), kada postoje opravdane akademske potrebe za njihovim djelovanjem u okvirima JU UNZE-i, a sve prema prethodnoj odluci Senata Univerziteta kao nadležnog tijela za odlučivanje o svim akademskim pitanjima na visokoškolskoj ustanovi. Kako je Islamski pedagoški fakultet u Zenici, prema važećem zakonskom rješenju već djelovao u sastavu JU UNZE-i, kao njegova punopravna akademska članica sa posebnim statusom, a koji i prozilazi upravo iz činjenice da, (iako nije riječ o istom osnivaču), i dalje postoji opravdana akademska potreba za nastavkom rada i djelovanja IPF- u sastavu JU UNZE-i, bilo je neophodno pristupiti predloženim izmjenama i dopunama navedenog zakona. Pored toga, aktuelna akademska praksa rada na JU UNZE-i, ukazuje i na potrebe daljeg razvoja akademske saradnje i sa ustanovama/institucijama koje se bave istraživačkim i/ili naučnim radom, odnosno specijalističkim stručnim edukacijama, a kojima je također osnivač Zeničko-dobojski kanton, tako da se ovom izmjenom Zakona o JU UNZE-i, kao njegovog osnivačkog akta, ujedno stvaraju pretpostavke da se u akademski opravdanim slučajevima, (o čemu prethodnu odluku svakako donosi Senat JU UNZE-i kao organ nadležan za akademska pitanja), osiguraju modaliteti rada i djelovanja takvih ustanova/institucija ZDK-a, u okvirima JU UNZE-i kao pridružene članice, sve dok za takvim akademskim angažovanjem postoje opravdane akademske potrebe, što se bliže uređuje posebnim sporazumom između rukovodioca i rektora JU UNZE-i. Ujedno napominjemno da se u svim navedenim slučajevima prethodnog odlučivanja, obavezno pribavlja i saglasnost Vlade Zeničko-dobojskog kantona kao ovlaštenog predstavnika osnivača JU Univerzitet u Zenici.

Ujedno napominjemo da zbog činjenice da je riječ o izmjeni postojećeg člana 11., kao i uvođenju novog člana 11a., kojim se samo potvrđuje odnosno razrađuje postojeće akademsko pitanje, (dakle prethodnim ugovorima već uređeni ukupni međusobni odnosi između Islamskog fakulteta u Zenici i Univerziteta u Zenici), stajališta smo da je predloženom izmjenom i dopunom Zakona, neophodno odgovoriti zahtjevima aktuelne akademske prakse u postojećim okvirima JU UNZE-i. Kako je naglašavamo riječ o izmjeni i dopuni predmetnog zakona u manjem obimu, na način da se istim samo dodatno precizira uređivanje akademskog djelovanja i već postojeće članice visokoškolske ustanove, koja kao takva uspješno funkcioniše u okvirima JU UNZE-i po odredabama istoga zakona, predlažemo da se isti i razmatra **po skraćenom postupku, a sve u skladu i sa usvojenim Programom rada za 2021. godinu.**

Obrazloženje pojedinih pravnih rješenja:

Predloženom izmjenom i dopunom u navedenom zakonu, ujedno se bliže definišu pojmovi pridružene, odnosno članice sa posebnim statusom, kao i njihove osobenosti u odnosu na pravni status postojećih organizacionih jedinica JU Univerzitet u Zenici, a posebno u pogledu zadržavanja svog posebnog pravnog statusa, kao i pravnog djelovanja prema trećim licima.

Iz tih razloga se i predlaže izmjena i dopuna Zakona o Javnoj ustanovi Univerzitet u Zenici kao njegovog osnivačkog akta i to na sljedeći način:

U Zakonu o Javnoj ustanovi Univerzitet u Zenici, u **članu 1.**, je navedeno da:

Univerzitet u svom sastavu može imati pridružene članice i članice sa posebnim statusom.

Pridružena članica je ustanova kojoj je osnivač Skupština Kantona, a postoje opravdane akademske potrebe za njenim djelovanjem u okviru Univerziteta, o čemu prethodnu odluku donosi Senat Univerziteta, uz saglasnost Vlade Kantona.

Položaj i djelovanje pridružene članice bliže se uređuje posebnim sporazumom o ostvarivanju akademskih prava i obaveza, kao i vremenskom trajanju akademskog rada i djelovanja u okvirima Univerziteta u Zenici, zaključenom između rukovodioca pridružene članice i rektora Univerziteta.

Poseban status ima članica čiji osnivač nije Skupština Kantona, a postoje opravdane akademske potrebe za njenim djelovanjem u okviru Univerziteta, o čemu prethodnu odluku donosi Senat Univerziteta, uz saglasnost Vlade Kantona.

Položaj i djelovanje članice sa posebnim statusom bliže se uređuje Ugovorom o njenom položaju i djelovanju u sastavu Univerziteta u Zenici zaključenom između ovlaštenih predstavnika osnivača.

Članom 2., predviđeno je uvođenje novog člana, i to:

Član 2.
(Novi član 11a.)

Iza člana 11., dodaje se novi član, i glasi:

„Član 11a.

Islamski pedagoški fakultet u Zenici, (u daljem tekstu: Islamski pedagoški fakultet), je ravnopravna akademska članica Univerziteta sa posebnim statusom.

Islamski pedagoški fakultet izjednačen je u svim akademskim pravima i obavezama sa ostalim organizacionim jedinicima u sastavu Univerziteta.

Islamski pedagoški fakultet zadržava svojstvo pravnog lica, kao i posebnog budžetskog korisnika i pravnog djelovanja prema trećim licima u skladu sa zakonom.

Odnos Univerziteta i Islamskog pedagoškog fakulteta u segmentu akademskih pitanja, bliže se uređuje Sporazumom o ostvarivanju akademskih prava i obaveza, zaključenom između dekana i rektora Univerziteta.“

Članom 3., utvrđeno je stupanje na snagu Zakona.

Finansijski pokazatelji:

S obzirom na to da se predloženom izmjenom i dopunom Zakona o Javnoj ustanovi Univerzitet u Zenici – prečišćeni tekst dodatno uređuju i već postojeći odnosi između Islamskog fakulteta u Zenici i Univerziteta u Zenici, tako da donošenje ovog zakona, prema stajalištu obrađivača, neće podrazumijevati dodatna izdvajanja u odnosu na već planirana sredstva u Budžetu Kantona za 2021. godinu, u skladu sa izjavom o fiskalnoj odgovornosti i pribavljenim mišljenjima koja se nalaze u prilogu.

Stoga i predlažemo usvajanje Prijedloga Zakona o izmjeni i dopuni Zakona o Javnoj ustanovi Univerzitet u Zenici – prečišćeni tekst, po skraćenom postupku.

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	<small>KOD</small>	<small>NAZIV</small>
Razdjel	22010001	Ministarstvo za obrazovanje, nauku, kulturu i sport

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Zakona o izmjeni I dopuni Zakona o JU Univerzitet u Zenici					

C 3. Izjava o nepostojanju dodatnih fiskalnih efekata predloženog propisa

Prijedlog Zakona o izmjeni I dopuni Zakona o JU Univerzitet u Zenici neće zahtjevati dodatna sredstva u Budžetu Kantona za 2021. godinu.


D 4. Pečat i potpis odgovornog lica obrađivača, odnosno predlagača propisa

Mjesto i datum

MINISTAR

Prof.dr. Spahija Kozlić

Zenica, 07.06.2021. godine





Broj: 03-02-15397-2/21
Zenica, 16.06.2021. godine

0411c

**MINISTARSTVO ZA OBRAZOVANJE,
NAUKU, KULTURU I SPORT
ZENIČKO-DOBOJSKOG KANTONA**

PREDMET: Mišljenje o prijedlogu Zakona o izmjeni i dopuni Zakona o Javnoj ustanovi Univerzitet u Zenici - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona (“Službene novine Zeničko – dobojskog kantona” broj: 5/11), te na osnovu uvida u tekst prijedloga Zakona o izmjeni i dopuni Zakona o Javnoj ustanovi Univerzitet u Zenici, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov prijedloga Zakona o izmjeni i dopuni Zakona o Javnoj ustanovi Univerzitet u Zenici (u daljem tekstu: Zakon) je pravilno utvrđen.


U nomotehničkom smislu, prijedlog Zakona je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

O prijedlogu obrađivača da se Zakon donese u formi prijedloga i po skraćenom postupku odlučivat će se na sjednici Skupštine Kantona kao o prethodnom pitanju, u okviru rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona broj 14/18, 18/18-isp., 7/19 i 7/20).

Nakon izvršenih korekcija obrađivača u skladu sa uputama Sekretarijata za zakonodavstvo stekli su se uslovi za davanje mišljenja shodno članu 31. stav (1) tačka a) Poslovnika o radu Vlade Zeničko-dobojskog kantona (“Službene novine Zeničko-dobojskog kantona” broj: 5/11) i upućivanje prijedloga Zakona u dalju proceduru.

S poštovanjem,

Dostavljeno:
 Naslovu,
 a/a.



SEKRETAR
Mirnes Burkić



7648

02

Broj: 07-02-8138/21
Zenica, 16.06.2021. godine

MINISTARSTVO ZA OBRAZOVANJE, NAUKU, KULTURU I SPORT

PREDMET: Mišljenje na Prijedlog Zakona o izmjeni i dopuni Zakona
o Javnoj ustanovi Univerzitet u Zenici - *dostavlja se*

Ministarstvo finansija je razmotrilo Prijedlog Zakona o izmjeni i dopuni Zakona o Javnoj ustanovi Univerzitet u Zenici, koji je dostavljen uz Vaš akt broj: 10-02-15397-1/20 od 07.06.2021. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U dostavljenom Obrazloženju Prijedloga Zakona o izmjeni i dopuni Zakona o Javnoj ustanovi Univerzitet u Zenici, navedeno je da donošenje ovog zakona, „neće podrazumjevati dodatna izdvajanja u odnosu na već planirana sredstva u Budžetu Kantona za 2021. godinu...“


U dostavljenoj Izjavi o fiskalnoj procjeni – Obrazac IFP-NE od 07.06.2021. godine, navedeno je da „Prijedlog Zakona o izmjeni i dopuni Zakona o Javnoj ustanovi Univerzitet u Zenici neće zahtijevati dodatna sredstva u Budžetu Kantona za 2021. godinu.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbijediti samo Ministarstvo za obrazovanje, nauku, kulturu i sport Zeničko-dobojskog kantona, kroz uštede ili unutrašnje preraspodjele sredstava.

S poštovanjem!

Dostavljeno:

Naslovu,
 a/a.



MINISTAR

Josip Lovrić





Ministarstvo za obrazovanje, nauku, kulturu i
sport
n/r ministra
-ovdje-

Zenica, 21.06.2021.godine
Veza Vaš broj: 10-02-15397-1/20 od 07.06.2021.godine
Naš broj:06/04-8138-1/21

02/11

PREDMET: Prijedlog Zakona o izmjeni Zakona o JU Univerzitet u Zenici - mišljenje,

dostavlja se

U skladu sa članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), i članom 31. stav (1) tačka b) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), te na osnovu uvida u tekst Prijedloga Zakona o izmjeni Zakona o JU Univerzitet u Zenici (u daljem tekstu: Prijedlog Zakona) dostavljenog aktom veze, u postupku pravne analize Prijedloga Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje se:

MIŠLJENJE


U skladu sa članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u postupku davanja mišljenja na dostavljeni akt broj i datum gornji Ministarstvo za pravosuđe i upravu Zeničko-dobojskog kantona, s aspekta svoje nadležnosti, nema primjedbi na dostavljeni Prijedlog Zakona.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Zakona Ministarstvo ne snosi odgovornost.

Poštovanje,

Dostaviti:
1 x Naslovu

1 x a/a



MINISTAR

Nebojša Nikolić



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba



BOSNA I HERCEGOVINA
FEDERACIJA BOSNE I HERCEGOVINA
UNIVERZITET U ZENICI
UNIVERSITY OF ZENICA

Adresa: Fakultetska br.3, 72000 Zenica, BiH
Tel. centrala: ++ 387 32 444 420; 444 421
Rektor: ++ 387 32 444 430
Fax: ++ 387 32 444-431, E-mail: rektorat@unze.ba
www: http://www.unze.ba
Transakcijski račun: 1340100000001672 kod ASA
banka d.d. Sarajevo

Zeničko-dobojski kanton
Ministarstvo za obrazovanje, nauku,
kulturu i sport

Vaš znak: _____
Naš znak: 01-03-10-3230/19
Zenica: 17.09.2019. godine

Predmet: Sporazum o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici, dostavlja se

ZENIČKO-DOBOJSKI KANTON			
PRIMLJENO: 18-09-2019			
Org. jedinica	Klasifik. oznaka	Redni broj	Broj prik
10	38	14159	10

Poštovani,

Putem protokola Rektorata Univerziteta u Zenici, broj: 01-35-11-3220/19 od 17.09.2019. godine, zaprimljen je akt Ministarstva za obrazovanje, nauku, kulturu i sport Zeničko-dobojskog kantona, pod nazivom Sporazum o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici., postupanje, traži se, broj: 10-14-95-19/19 od 11.09.2019. godine, kojim se traži dostavljanje Sporazuma o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici na uvid.

U skladu s navedenim aktom Ministarstva u prilogu ovog akta dostavljamo Vam:

1. Fotokopiju Sporazuma o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici, broj: 01-03-10-2402/19 od 19.06.2019. godine,
2. Fotokopiju Odluke Senata Univerziteta u Zenici, broj: 01-02-1-1785/19 od 25.04.2019. godine

S poštovanjem,

Prilog: kao u tekstu

Dostavljeno:

- 1x Naslov
- 1x Rektor Univerziteta u Zenici
- 1x a/a



REKTOR

Prof.dr.sc. Damir Kukić

Na osnovu člana 65. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09), člana 155. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19) i člana 5. Ugovora o položaju i djelovanju Islamskog pedagoškog fakulteta u sastavu Univerziteta u Zenici od 08.08.2018. godine, Univerzitet u Zenici, ulica Fakultetska br. 1., koju zastupa prof.dr.sc. Damir Kukić, rektor i Islamski pedagoški fakultet u Zenici, ulica Juraja Neidharata br. 15, koju zastupa prof.dr.sc. Halil Mehtić, dekan, (u daljem tekstu Ugovorne strane) dana 19.06.2019. godine zaključili su:

SPORAZUM

O OSTVARIVANJU AKADEMSKIH PRAVA I OBAVEZA ISLAMSKOG PEDAGOŠKOG FAKULTETA U SASTAVU UNIVERZITETA U ZENICI

Član 1.

(Status Fakulteta u sastavu Univerziteta)

Islamski pedagoški fakultet u Zenici (u nastavku teksta Fakultet), u skladu sa Zakonom o visokom obrazovanju Zeničko-dobojskog kantona i Ugovora o položaju i djelovanju Islamskog pedagoškog fakulteta u sastavu Univerziteta u Zenici, djeluje u sastavu Univerziteta u Zenici (u daljem tekstu Univerzitet) kao i ostale organizacione jedinice Univerziteta, uvažavajući njegov poseban status.

Član 2.

(Posebnost statusa Fakulteta)

- (1) U sastavu Univerziteta u Zenici Fakultet je izjednačen u svim akademskim pravima i obavezama sa ostalim organizacionim jedinicama Univerziteta.
- (2) Poseban status proizilazi iz činjenice da je Osnivač Fakulteta Islamska zajednica u Bosni i Hercegovini, te da Osnivač ima određena prava u radu Fakulteta.

Član 3.

(Prava i obaveze Fakulteta)

- (1) Ovim Sporazumom Fakultet obezbjeđuje pravo na:
 - akreditaciju i licenciranje postojećih i novih studijskih programa u okviru Univerziteta,
 - ostvarivanje i unapređivanje djelatnosti visokog obrazovanja i naučnoistraživačkog rada,
 - izbor nastavnika i saradnika u nastavno-naučna zvanja, te aktivnije učešće nastavnih i drugih naučnih radnika u realizaciji zajedničkih programskih ciljeva,
 - ujednačavanje kriterija za vrednovanje znanja i rada studenata,
 - donošenje odluka o cijenama koštanja studija na Fakultetu, uz prethodnu saglasnost Vlade Zeničko-dobojskog kantona,
 - donošenje odluka o cijeni časa za vanjske saradnike na Fakultetu, uz prethodnu saglasnost Vlade Zeničko-dobojskog kantona,
 - unapređenje i koordinaciju nastavnog-naučnog i naučnoistraživačkog rada, te organizovanje i izvođenje multidisciplinarnih obrazovnih i naučnoistraživačkih programa,
 - unapređenje svih vidova međufakultetske, međuuniverzitetske i međunarodne saradnje,
 - postizanje veće efektivnosti i kvaliteta studiranja pomoću organizovanog i zajedničkog korištenja prostora, opreme i drugih materijalnih uslova rada,
 - na ostala akademska prava i obaveze u skladu sa zakonom i drugim propisima.
- (2) Fakultet u radu Univerziteta ima obavezu:
 - da angažovanje svog nastavnog, saradničkog i naučnog kadra, kao i drugih raspoloživih ljudskih potencijala, usmjerava prvenstveno prema matičnim katedrama, pa tek onda prema drugim visokoškolskim i naučnim ustanovama,

- da stavlja na raspolaganje svoje bibliotečke, informatičke i prostorne kapacitete za potrebe Univerziteta, uz uvažavanje posebnog statusa Fakulteta.
- izvršava odluke nadležnih organa Univerziteta u vezi nastavno -naučne djelatnosti,
- sudjeluje u kreiranju razvoja i poboljšanja rada Univerziteta.

Član 4.

(Angažovanje vanjskih saradnika)

- (1) Fakultet prilikom formiranja nastavničkog tima uzima u obzir inicijativu matične katedre sa prijedlogom angažmana nastavnika ili saradnika koji je u stalnom radnom odnosu na Univerzitetu.
- (2) NNV Fakulteta će na prijedlog prodekana za nastavu utvrditi konačan prijedlog kojeg dostavlja Senatu Univerziteta na usvajanje.
- (3) Finansijske obaveze prema nastavnicima i saradnicima nastale angažovanjem u nastavi, rješavat će se posebnim ugovorima između nastavnika i Univerziteta ili Fakulteta.

Član 5.

(Članstvo u katedrama)

Nastavnici i saradnici Fakulteta u stalnom radnom odnosu, članovi su matične katedre za kojoj su izabrani.

Član 6.

(Angažman na drugoj visokoškolskoj ustanovi)

- (1) Nastavnici i saradnici Univerziteta obavezni su dobiti saglasnost Senata za angažman na Fakultetu.
- (2) Nastavnici i saradnici Fakulteta obavezni su dobiti saglasnost NNV za angažman na Univerzitetu.

Član 7.

(Zapošljavanje nastavnika i saradnika)

Zapošljavanje nastavnika i saradnika na Fakultetu vrši se u skladu sa zakonskim i drugim propisima koji regulišu ovu oblast.

Član 8.

(Novi naziv Fakulteta)

- (1) Fakultet ima pravo i obavezu korištenja naziva i znaka Univerziteta u Zenici u svom nazivu, a što će biti regulisano izmjenom i dopunom osnivačkog akta Fakulteta.
- (2) Na pečatima, štambiljima i memorandumu Fakulteta bit će ispisan tekst naziva Fakulteta shodno potpisanom Ugovoru između Vlade Zeničko-dobojskog kantona i Islamske zajednice u Bosni i Hercegovini.

Član 9.

(Pravni status)

Fakultet ima svojstvo pravnog lica, zasebnog budžetskog korisnika i pravnog djelovanja prema trećim licima, u skladu sa zakonom.

Član 10.

(Djelatnost Fakulteta)

Fakultet u sastavu Univerziteta obavlja djelatnosti definisane osnivačkim aktom.

Član 11.

(Izbor u akademska zvanja)

- (1) Izbor u akademska zvanja na Fakultetu vrši se u skladu sa Zakonom o visokom obrazovanju, Statutom Univerziteta, Pravilima i općim aktom Fakulteta.
- (2) Fakultet se obraća matičnoj katedri za pokretanje inicijative za izbor u zvanje nastavnika ili saradnika ukoliko je to potrebno za redovno izvođenje nastavnog procesa.

- (3) Matična katedra može prije pokretanja inicijative za izbor ponuditi angažman već izabranog nastavnika i saradnika samo ukoliko mu nedostaje do pune norme ili se radi o zamjeni nastavnika i saradnika.
- (4) Konačnu Odluku o raspisivanju konkursa za izbor u akademsko zvanje donosi Senat Univerziteta na prijedlog Naučno-nastavnog vijeća Fakulteta.

Član 12.

(Ovlaštenje za angažman na Fakultetu)

- (1) U postupku izbora člana akademskog osoblja, nosiocima vjerskog autoriteta u Islamskoj zajednici, Fakultet je obavezan za kandidata predloženog za izbor pribaviti ovlaštenje (muraselu) od reisu-l-uleme Islamske zajednice u Bosni i Hercegovini, a što je u skladu s Ustavom Islamske zajednice u Bosni i Hercegovini.
- (2) Reisu-l-ulema Islamske zajednice u Bosni i Hercegovini može, zbog razloga koji se tiču vjere i morala, a na prijedlog Naučno-nastavnog vijeća Fakulteta, članu akademskog osoblja uskratiti ili opozvati ovlaštenje daljnjeg učestvovanja u nastavnom procesu na Fakultetu.
- (3) Rijaset Islamske zajednice u Bosni i Hercegovini, u skladu s Ustavom Islamske zajednice u Bosni i Hercegovini, potvrđuje izbor nastavnog osoblja na katedrama za koje je matičan Fakultet i daje saglasnost za prijem u radni odnos.

Član 13.

(Usvajanje Nastavnih planova i programa)

- (1) Univerzitet usvaja nastavne planove i programe na prijedlog Naučno-nastavnog vijeća Fakulteta uz prethodnu saglasnost Rijaseta Islamske zajednice u Bosni i Hercegovini.
- (2) Za vjerske predmete u okviru nastavnog plana i programa Fakulteta, Univerzitet usvaja plan i program tih predmeta, bez ingerencije da ih mijenja ili ukida.
- (3) Fakultet je obavezan u obrazloženju nastavnog plana i programa navesti koji nastavni predmeti su vjerske prirode u skladu sa stavom (2) ovoga člana.
- (4) Izmjene i dopune nastavnog plana i programa vrše se po proceduri koja važi za njegovo usvajanje.

Član 14.

(Osnivanje novih odsjeka)

Osnivanje novih odsjeka na Fakultetu provodi se po uspostavljenim procedurama na Univerzitetu, uz obavezno davanje prethodne saglasnosti od strane Rijaseta Islamske zajednice u Bosni i Hercegovini.

Član 15.

(Diplome)

- (1) Diplome studentima, koji uspješno okončaju studij na Fakultetu, potpisuje reisu-l-ulema Islamske zajednice u Bosni i Hercegovini, rektor Univerziteta i dekan Fakulteta.
- (2) U pogledu sadržaja i izgleda diploma, kao i dodjeljivanja diploma poštovat će se specifičnosti Fakulteta.

Član 16.

(Broj predstavnika Fakulteta u Senatu Univerziteta i drugim tijelima)

- (1) Fakultet ima jednak broj predstavnika u Senatu Univerziteta kao i ostali fakulteti na Univerzitetu.
- (2) Prilikom imenovanja drugih tijela ili komisija imat će se u vidu i predstavnici Fakulteta.

Član 17.

(Pravila Fakulteta)

- (1) Fakultet će donijeti pravila u skladu sa pozitivnim zakonskim propisima i propisima Islamske zajednice u Bosni i Hercegovini.

- (2) Na pravila iz stava (1) ovog člana prethodnu saglasnost daje Rijaset Islamske zajednice u Bosni i Hercegovini.
- (3) Opći akt Fakulteta kojim se uređuje njegova unutrašnja organizacija i djelovanje mora biti u saglasnosti sa zakonom, pri čemu se uvažava specifičnost Fakulteta, kao i prava i obaveze ustanovljene ovim Sporazumom.

Član 18.

(Izmjene i dopune Sporazuma)

Izmjene i dopune ovog Sporazuma vrše se na način i po postupku kao za njegovo zaključenje.

Član 19.

(Tumačenje odredaba)

Eventualne nesporazume ili poteškoće u provođenju i tumačenju odredaba ovog Sporazuma rješavat će posebna komisija, a koju čine rektor (u ime Univerziteta), dekan (u ime Fakulteta), odnosno lica koja oni ovlaste.

Član 20.

(Istupanje Fakulteta iz sastava Univerziteta)

Fakultet zadržava pravo, da po odluci Rijaset Islamske zajednice u Bosni i Hercegovini, sporazumno ili jednostrano raskine ovaj Sporazum i istupi iz Univerziteta, pod sljedećim uslovima:

- da o svojoj odluci obavijesti Univerzitet najmanje 6 (šest) mjeseci prije istupanja,
- da okonča već započetu akademsku godinu,
- da izvrši sve svoje preuzete radnje i finansijske obaveze prema Univerzitetu.

Član 21.

(Prelazne odredbe)

Za ostala pitanja koja nisu obuhvaćena ovim sporazumom, a tiču se položaja i djelovanja Fakulteta u sastavu Univerziteta, primjenjuju se propisi koji u Bosni i Hercegovini i Zeničko-dobojskom kantonu regulišu djelatnost visokog obrazovanja i naučnoistraživačku djelatnost, Zakon o slobodi vjere i pravnom položaju crkava i vjerskih zajednica u Bosni i Hercegovini, Zakon o ustanovama, propisi Islamske zajednice u Bosni i Hercegovini, Statut Univerziteta i Pravila Fakulteta.

Član 22.

(Završne odredbe)

- (1) Ugovorne strane saglasne su da u roku od 60 dana svako u domenu svoje nadležnosti pokrene izmjene i dopune zakonskih i podzakonskih akata.
- (2) Odredbe ovog Sporazuma, čija primjena zavisi od izmjene i dopune zakonskih i podzakonskih akata, primjenjivat će se nakon donošenja odgovarajućih izmjena i dopuna zakonskih i podzakonskih akata.
- (3) Ovaj Sporazum sastavljen je u šest primjeraka, po tri za svaku stranu, a stupa na snagu danom potpisivanja.

U Zenici, 19.06.2019. godine

Broj protokola: 01-03-10-2402/19

Broj protokola: 120-5-228/19


REKTOR

Prof.dr.sc. Damir Kufić



DEKAN

Prof.dr.sc. Halil Mehić





**UNIVERZITET U ZENICI
REKTORAT**

- SENAT -

Broj: 01-02-1-1785/19

Zenica, 25.04.2019. godine

Na osnovu članova 53. stav (2) tačka n) Zakona o visokom obrazovanju ("Službene novine Zeničko-dobojskog kantona broj: 6/09, 9/13, 13/13, 4/15 i 5/18), člana 19.a stav 2. alineja 15. Zakona o JU Univerzitet u Zenici – Prečišćeni tekst - ("Službene novine Zeničko-dobojskog kantona", broj: 1/18 i 10/18) i člana 63. stav (2) tačka ii) Statuta Univerziteta u Zenici (Prečišćeni tekst), Senat Univerziteta u Zenici na svojoj 04. sjednici održanoj 25.04.2019. godine, donio je

ODLUKU

Član 1.

Ovom Odlukom daje se saglasnost na tekst Sporazuma o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici, usaglašen između Univerziteta u Zenici i Islamskog pedagoškog fakulteta u Zenici, kojim se potpunije i preciznije definira odnos između ugovornih strana iz domena akademskih pitanja.

Član 2.


Usaglašeni tekst Sporazuma iz člana 1. ove Odluke čini sastavni dio ove Odluke.

Član 3.

Ovlašćuje se Rektor Univerziteta u Zenici da u skladu s članom 1. ove Odluke potpiše usaglašeni tekst Sporazuma o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici.

Član 4.

Odluka stupa na snagu danom donošenja.



PREDSJEDAVAJUĆI SENATA

Ilhan Bušatlić
Prof.dr.sc. Ilhan Bušatlić

Dostavljeno:

- 1x Ministarstvo za obrazovanje, nauku,
kulturu i sport Zeničko-dobojskog kantona
- 1x Rektor Univerziteta u Zenici
- 1x Islamski pedagoški fakultet u Zenici
- 1x 19-4
- 1x a/a

- a) sredstva Budžeta ne upotrebljava za one namjene za koje su sredstva utvrđena i preuzme obavezu iznad utvrđene u Budžetu (član 4.);
- b) stvara obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika (član 8.);
- c) Ministarstvu finansija ne dostavi prijedlog mjesečnog operativnog plana u propisanom roku (član 12.);
- d) postupe suprotno članu 46. ovog zakona;
- e) postupe suprotno članu 48. ovog zakona;
- f) ne vode evidencije obaveznih pomoćnih knjiga (član 52.).

DIO SEDMI - ZAVRŠNE ODREDBE

Član 59.

(Ovlašćenje za donošenje podzakonskih akata)

Ovlašćuje se Ministar finansija da donosi pravilnike, uputstva, naredbe i druge podzakonske akte o provedbi ovog zakona.

Član 60.

(Ravnopravnost spolova)

Gramatička terminologija u ovom zakonu podrazumjeva uključivanje oba spola.

Član 61.

(Stupanje na snagu)

Zakon stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-02-1644/18
Datum: 31.01.2018. godine
Zenica

PREDSJEDAVALA

Jasmin Duvnjak, s.r

4.

Na osnovu člana 2. Zakona o izmjeni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 13/17) i člana 44. stav (1) tačka d) Poslovnika Skupštine Zeničko-dobojskog kantona – Novi prečišćeni tekst ("Službene novine Zeničko-dobojskog kantona", broj: 7/12 i 12/13), Zakonodavno-pravna komisija Skupštine Zeničko-dobojskog kantona, na 51.

sjednici održanoj 16.01.2018. godine, utvrdila je Prečišćeni tekst Zakona o Javnoj ustanovi Univerzitet u Zenici.

Prečišćeni tekst Zakona o Javnoj ustanovi Univerzitet u Zenici obuhvata: Zakon o Javnoj ustanovi Univerzitet u Zenici ("Službene novine Zeničko-dobojskog kantona", broj: 6/05), Zakon o izmjenama i dopunama Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 11/06), Zakon o izmjenama i dopunama Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 6/09), Zakon o izmjeni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 10/11), Zakon o izmjeni i dopuni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 16/11), Zakon o izmjeni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 15/12), Zakon o izmjenama i dopuni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 13/13), Zakon o izmjeni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 6/16), Zakon o izmjeni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 9/17) i Zakon o izmjeni Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 13/17), u kojima su označeni dani stupanja na snagu tih zakona.

ZAKON O JAVNOJ USTANOVI UNIVERZITET U ZENICI - Prečišćeni tekst -

I OPĆE ODREDBE

Član 1.

Ovim zakonom Skupština Zeničko-dobojskog kantona (u daljem tekstu: Skupština Kantona) osniva Javnu ustanovu Univerzitet u Zenici (u daljem tekstu: Univerzitet) i uređuju se međusobna prava i obaveze osnivača i Univerziteta.

Prava i obaveze osnivača, koja se odnose na osnivanje Univerziteta, statusne promjene i usvajanje izvještaja o radu Univerziteta vrši Skupština Kantona, a ostala prava i obaveze osnivača vrši Vlada Zeničko-dobojskog kantona (u daljem tekstu: Vlada Kantona) u ime Skupštine Kantona u skladu sa ovim zakonom.

II PRAVNI POLOŽAJ, NAZIV I SJEDIŠTE

Član 2.

Javna ustanova Univerzitet u Zenici posluje pod nazivom:

„Javna ustanova Univerzitet u Zenici -Universitas studiorum Zenicaensis“.

Skraćeni naziv Javne ustanove Univerzitet u Zenici je: „Univerzitet u Zenici“.

Član 3.

Sjedište Univerziteta je u Zenici, ulica Fakultetska broj 3.

Član 4.

Univerzitet ima svojstvo pravnog lica.

U pravnom prometu nastupa samostalno, u svoje ime i za svoj račun.

Član 5.

Univerzitet je pravni sljedbenik Javne ustanove Univerzitet u Zenici, upisanog kod Kantonalnog suda Zenica u reg. ulošku broj: U/I-91/2001., od 02.02.2001. godine, i visokoškolskih ustanova:

- Javna ustanova Fakultet za metalurgiju i materijale u Zenici, upisan kod Kantonalnog suda u Zenici u reg. ulošku broj: U/I-1070/99., od 14.12.1999. godine,
- Javna ustanova Mašinski fakultet u Zenici, upisan kod Kantonalnog suda Zenica u reg. ulošku broj: U/I-801/96., od 20.12.1996. godine,
- Javna ustanova Pedagoški fakultet u Zenici, upisan kod Kantonalnog suda Zenica u reg. ulošku broj: U/I-717/97., od 15.07.1994. godine,
- Javna ustanova Studentski centar u Zenici, upisan kod Kantonalnog suda Zenica u reg. ulošku broj: U/I-63/05. od 26.01.2005. godine.

Član 6.

Univerzitet će se upisati u sudski registar kao javna ustanova sa organizacionim jedinicama u svom sastavu i to:

- Metalurško-tehnološki fakultet u Zenici,
- Mašinski fakultet u Zenici,
- Filozofski fakultet u Zenici,
- Studentski centar u Zenici,
- Ekonomski fakultet u Zenici,
- Pravni fakultet u Zenici,
- Medicinski fakultet u Zenici,
- Institut „Kemal Kapetanović“ u Zenici,
- Politehnički fakultet u Zenici.

Organizacione jedinice Univerziteta nemaju svojstvo pravnog lica.

Član 7.

Organizacione jedinice Univerziteta imaju određena ovlaštenja u pravnom prometu, kao i poseban obračun rezultata poslovanja, u skladu sa zakonom, ovim zakonom i Statutom Univerziteta.

Organizacione jedinice Univerziteta, u pravnom prometu, imaju ovlaštenja u okviru upisane djelatnosti i sredstava koja se vode na podračunu organizacione jedinice.

Fakulteti imaju ovlaštenja u pravnom prometu u obavljanju naučnoistraživačkog rada i permanentnog obrazovanja.

U pravnom prometu organizacione jedinice istupaju pod nazivom Univerziteta i svojim nazivom.

Član 8.

Statutom Univerziteta bliže će se urediti naziv, sjedište, djelatnost i ovlaštenja u pravnom prometu organizacionih jedinica Univerziteta, u skladu sa Zakonom o visokom obrazovanju i ovim zakonom.

Član 9.

Univerzitet ima pečat okruglog oblika prečnika 50 mm sa slijedećim tekstom:

„Univerzitet u Zenici – Universitas studiorum Zenicaensis“, sa znakom Univerziteta u sredini pečata.

Univerzitet ima mali pečat, prečnika 25 mm, istog oblika i sadržaja.

Broj pečata, sa oznakom broja svakog pečata, utvrdit će se posebnim aktom Univerziteta.

Univerzitet ima suhi žig za ovjeru diploma i drugih odgovarajućih dokumenata, sa oblikom, veličinom i sadržajem, iz stava 1. ovog člana.

Član 10.

Organizaciona jedinica Univerziteta ima pečat u skladu sa Statutom Univerziteta.

Pečat organizacione jedinice sadrži tekst pečata Univerziteta i naziv organizacione jedinice.

Član 11.

Pridružena članica Univerziteta je Islamski pedagoški fakultet u Zenici. Odnosi između Univerziteta i Islamskog pedagoškog fakulteta uredit će se posebnim ugovorom.

III DJELATNOST

Član 12.

Djelatnost Univerziteta je:

- Visoko obrazovanje;
- Obrazovanje i podučavanje u području sporta i rekreacije;
- Obrazovanje i podučavanje u području kulture;
- Ostalo obrazovanje i podučavanje;d.n.;
- Pomoćne uslužne djelatnosti u obrazovanju;
- Izvođačka umjetnost;
- Pomoćne djelatnosti u izvođačkoj umjetnosti;
- Umjetničko stvaralaštvo;
- Djelatnost biblioteka i arhiva;
- Rad sportskih objekata;
- Pomoćne usluge u šumarstvu;
- Ostala prerađivačka industrija, d.n.;
- Ostali smještaj;
- Ostale djelatnosti pripreme i usluživanja hrane;
- Izdavanje knjiga;
- Izdavanje imenika i popisa korisničkih adresa;
- Izdavanje novina;

- Izdavanje časopisa i periodičnih publikacija;
- Štampanje i uslužne djelatnosti u vezi sa štampanjem;
- Umnožavanje snimljenih zapisa;
- Ostala izdavačka djelatnost;
- Izdavanje računarskih igara;
- Izdavanje ostalog softvera;
- Djelatnost snimanja zvučnih zapisa i izdavanja muzičkih zapisa;
- Emitiranje radijskog programa;
- Emitiranje televizijskog programa;
- Računarsko programiranje;
- Savjetovanje u vezi sa računarima;
- Upravljanje računarskom opremom i sistemom;
- Ostale uslužne djelatnosti u vezi s informacijskom tehnologijom i računarima;
- Obrada podataka, usluge hostinga i djelatnosti u vezi s njima;
- Internetski portali;
- Pravne djelatnosti;
- Računovodstvene, knjigovodstvene i revizijske djelatnosti, porezno savjetovanje;
- Odnosi s javnošću i djelatnost priopćavanja;
- Savjetovanje u vezi s poslovanjem i ostalim upravljanjem;
- Arhitektonske djelatnosti;
- Inženjerske djelatnosti i s njima povezano tehničko savjetovanje;
- Tehničko ispitivanje i analiza;
- Istraživanje i eksperimentalni razvoj u biotehnologiji;
- Ostalo istraživanje i eksperimentalni razvoj u prirodnim, tehničkim i tehnološkim naukama;
- Istraživanje i eksperimentalni razvoj u društvenim i humanističkim naukama;
- Istraživanje tržišta i ispitivanje javnog mnijenja;
- Fotografiske djelatnosti;
- Ostale stručne, naučne i tehničke djelatnosti, d.n.;

U okviru registrirane djelatnosti Univerzitet u Zenici može obavljati djelatnost proizvodnje u manjim serijama proizvoda, odnosno predmeta, koji su rezultat naučnoistraživačkog rada, odnosno stručnog rada organizacionih jedinica.

IV IMOVINA I SREDSTVA

Član 13.

Sredstva za osnivanje i početak rada Univerziteta čini ukupni iznos stalnih i novčanih sredstava fakulteta iz člana 5. ovog zakona, Studentskog centra u Zenici i Univerziteta u Zenici iskazan u bilansima stanja na dan 31.12.2004. godine.

Član 14.

Imovinu Univerziteta čine stvari, novac i prava koja su fakulteti, iz člana 5. ovog Zakona, Studentski centar u Zenici i Univerzitet u Zenici stekli do dana upisa Univerziteta u sudski registar.

Član 15.

Sredstva za rad Univerziteta osiguravaju se iz budžeta Kantona, naknada za obavljanje usluga i drugih izvora, u skladu sa zakonom.

Kriterije za raspored sredstava, koja Univerzitet ostvaruje iz budžeta Kantona, na organizacione jedinice Univerziteta, utvrđuje resorno Ministarstvo, na prijedlog Upravnog odbora Univerziteta, u skladu sa zakonom, uz pribavljeno mišljenje Senata Univerziteta.

Univerzitet može sticati sredstva za rad i učešćem u zajedničkom prihodu, kojeg ostvari udruživanjem sredstava ili ulaganjem sa ciljem razvoja djelatnosti.

Član 16.

Univerzitet za preuzete obaveze odgovara sredstvima kojima raspolaže.

V ORGANI UNIVERZITETA

Član 17.

Organi Univerziteta su:

- Upravni odbor;
- Senat;
- Rektor.

Univerzitet može imati i druga stručna tijela, odnosno tijela za vođenje poslovanja, čije se osnivanje, sastav i nadležnost uređuju Statutom ili drugim općim aktom.

Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Terminološko korištenje muškog ili ženskog spola, u ovom zakonu, podrazumijeva uključivanje oba spola.

Član 17.a

Organ upravljanja Univerziteta je Upravni odbor, koji broji sedam članova, od kojih je jedan predsjednik.

Konačno imenovanje i razrješenje predsjednika i članova Upravnog odbora vrši Vlada Kantona u skladu sa zakonom.

Predsjednik i članovi Upravnog odbora imenuju se na period od četiri godine sa mogućnošću još jednog uzastopnog izbora u javnoj i transparentnoj proceduri konkursa.

Rektor, prorektor, direktor visoke škole kao i članovi Senata ne mogu biti članovi Upravnog odbora.

Član 18.

Upravni odbor Univerziteta ima sedam članova i čine ga četiri člana iz reda osnivača, dva člana iz reda akademskog osoblja i jedan član iz reda studenata.

Kandidate iz reda akademskog osoblja i reda studenata predlaže Senat u skladu sa zakonom i Statutom, u javnoj i transparentnoj proceduri javnog konkursa.

Predsjednik Upravnog odbora javne visokoškolske ustanove imenuje se iz reda osnivača.

Član 19.

Upravni odbor Univerziteta (u daljem tekstu: Upravni odbor) odgovoran je za poslovanje Univerziteta.

Upravni odbor obavlja poslove utvrđene zakonom i Statutom Univerziteta, a naročito:

- donosi Statut Univerziteta kao i akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost osnivača, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i Statutom Univerziteta;

- donosi odluku o osnivanju drugih pravnih lica u skladu sa zakonom i Statutom Univerziteta, uz prethodnu suglasnost osnivača;
- utvrđuje planove finansiranja i razvoja;
- donosi godišnji program rada Univerziteta na prijedlog Senata Univerziteta;
- donosi finansijski plan;
- usmjerava, kontrolira i ocjenjuje rad rektora u domenu finansijskog poslovanja,
- rješava pitanja odnosa sa osnivačem;
- odlučuje o korištenju sredstava za rad u skladu sa Statutom Univerziteta;
- odgovara osnivaču za rezultate rada Univerziteta;
- odlučuje o prigovoru zaposlenika na odluke organa Univerziteta koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- najmanje jedanput godišnje podnosi osnivaču izvještaj o poslovanju Univerziteta;
- donosi konačnu odluku o izboru i razrješenju direktora Studentskog centra;
- obavlja i druge poslove, u skladu sa zakonom i Statutom Univerziteta.

Član 19.a

Odgovornost za akademska pitanja ima Senat kao akademsko tijelo Univerziteta, koje čine predstavnici akademskog osoblja u radnom odnosu, kao i predstavnici studenata.

Senat Univerziteta odlučuje o svim akademskim pitanjima, a posebno:

- odlučuje o pitanjima nastavne, naučne, umjetničke i stručne djelatnosti Univerziteta;
- donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja, i uopće o nastupanju visokoškolske ustanove, nastavnika, saradnika i studenata u pravnom prometu;
- donosi opće akte u skladu sa zakonom i Statutom Univerziteta;

- donosi nastavne planove i nastavne programe dodiplomskog, postdiplomskog i doktorskog studija;
- donosi konačne odluke o izboru i razrješenju rektora i prorektora Univerziteta, uz prethodnu saglasnost Vlade Kantona;
- donosi konačne odluke po prigovoru kandidata za izbor i razrješenje dekana i prodekana, kao i direktora instituta;
- bira akademsko osoblje na prijedlog naučno-nastavnog vijeća, odnosno naučnog vijeća organizacione jedinice;
- imenuje komisije u postupku stjecanja doktorata nauka;
- dodjeljuje počasno zvanje „profesor emeritus“, te „počasni doktor nauka“;
- daje inicijativu Upravnom odboru za organiziranje i ukidanje fakulteta i drugih organizacionih jedinica Univerziteta, kao i studijskih odsjeka;
- odobrava razvojne i organizacione planove;
- imenuje stalna ili privremena tijela, radne grupe, komitete, grupe za praćenje kvaliteta rada i slično;
- propisuje odredbe kojima se regulira rad organa koje imenuje Senat;
- utvrđuje upisnu politiku;
- obavlja i druge poslove u skladu sa zakonom i Statutom Univerziteta.

Član 19.b

Senat Univerziteta odlučuje o akademskim pitanjima na prijedlog stručnih tijela organizacionih jedinica, kao i drugih tijela Univerziteta i predstavničkih tijela studenata.

Bliže odredbe o broju članova, sastavu, mandatu i načinu rada Senata utvrđuju se Statutom Univerziteta.

Senat ima predsjedavajućeg koji priprema i predsjedava sjednicama.

Predsjedavajući se bira iz reda članova Senata, s tim da rektor i prorektori ne mogu biti imenovani za predsjedavajućeg.

Rad Senata biće ureden Poslovníkom o radu kojeg donosi Senat u roku od 30 dana od dana stupanja na snagu Zakona o izmjenama i dopunama Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 6/09).

Član 20.

Univerzitetom rukovodi rektor u skladu sa zakonom i Statutom Univerziteta.

Rektor se bira na mandat od četiri godine i može biti ponovo izabran.

Ista osoba može se imenovati na dva uzastopna mandata.

Rektora Univerziteta bira Senat, na osnovu javnog konkursa, uz prethodnu saglasnost Vlade Kantona.

Za rektora može biti izabran nastavnik u naučno-nastavnom i umjetničko-nastavnom zvanju redovnog profesora koji ispunjava uvjete za to zvanje na Univerzitetu.

Bliže odredbe o postupku izbora i razrješenja, te razloziina za snjenu rektora Univerziteta prije isteka mandata, poslovima, odgovornostima i ostalim pitanjima koja se odnose na funkciju rektora Univerziteta utvrđuju se Statutom Univerziteta.

Član 21.

Rektor Univerziteta za svoj rad u domenu akademskih pitanja odgovara Senatu, a u domenu poslovanja Upravnom odboru.

Rektor Univerziteta obavlja poslove utvrđene zakonom i Statutom Univerziteta, a naročito:

- zastupa i predstavlja Univerzitet;
- organizira i rukovodi radom Univerziteta, i odgovoran je za zakonitost rada;
- predlaže opće i donosi pojedinačne akte u skladu sa zakonom i Statutom Univerziteta;
- predlaže Upravnom odboru i Senatu Univerziteta mjere za unapređenje rada Univerziteta;
- predlaže Upravnom odboru mjere za djelotvorno i zakonito obavljanje djelatnosti Univerziteta;
- predlaže Upravnom odboru, Senatu i osnivaču osnove planova rada i razvoja Univerziteta;
- predlaže Upravnom odboru unutrašnju organizaciju i sistematizaciju radnih mjesta;
- izvršava odluke Upravnog odbora i drugih tijela Univerziteta;

- odlučuje o korištenju sredstava do iznosa utvrđenog Statutom Univerziteta;
- odlučuje o pravima, obavezama i odgovornostima zaposlenika iz radnog odnosa;
- podnosi Upravnom odboru izvještaj o izvršenju finansijskog plana;
- naredbodavac je za izvršenje finansijskog plana;
- učestvuje u radu Rektorske konferencije Bosne i Hercegovine;
- obavlja i druge poslove u skladu sa zakonom i Statutom Univerziteta.

Član 21.a

Rektoru u radu pomažu prorektori.

Broj prorektora, nadležnosti, uvjeti i postupak izbora i razrješenje prorektora bliže se uređuje Statutom Univerziteta.

Član 21.b

Stručno tijelo fakulteta, odnosno umjetničke akademije je naučno-nastavno, odnosno umjetničko-nastavno vijeće (u daljnjem tekstu: vijeće).

Vijeće čine nastavnici i predstavnici saradnika, koji su u radnom odnosu u organizacionoj jedinici i koji učestvuju u naučno-nastavnom procesu na fakultetu, odnosno umjetničkoj akademiji, kao i predstavnici studenata u skladu sa Statutom Univerziteta.

Vijeće ima predsjedavajućeg koji priprema i predsjedava sjednicama.

Predsjedavajući se bira iz reda članova vijeća, s tim da dekan i prodekani ne mogu biti imenovani za predsjedavajućeg.

Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Vijeće u okviru svoje nadležnosti:

- daje mišljenje i prijedloge dekanu o akademskim, naučnim, umjetničkim i stručnim pitanjima u skladu sa Statutom Univerziteta;
- daje prijedloge Senatu u vezi sa promjenama u strukturi i sadržaju studijskih programa i nastavnim metodama;

- predlaže nastavni plan i program za organizacionu jedinicu, kao dio integralnog nastavnog plana i nastavnog programa Univerziteta;
- bira i razrješava dekana i prodekane fakulteta, odnosno umjetničke akademije;
- bira predstavnika u Senat Univerziteta;
- utvrđuje prijedlog komisija koje se obrazuju u postupku stjecanja naučnog stepena doktora nauka;
- imenuje komisije za provođenje postupka stjecanja naučnog, odnosno umjetničkog stepena magistra;
- utvrđuje prijedlog za izbor kandidata u naučno-nastavna, umjetnička i nastavna zvanja;
- obavlja i druge poslove u skladu sa Statutom Univerziteta i drugim općim aktima.

Bliže odredbe o nadležnostima vijeća utvrđuju se Statutom Univerziteta.

Član 21.c

Organ rukovođenja fakulteta, odnosno umjetničke akademije je dekan.

Dekan obavlja poslove utvrđene zakonom i Statutom Univerziteta, a naročito:

- predstavlja fakultet, odnosno umjetničku akademiju i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta na fakultetu;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na fakultetu/umjetničkoj akademiji;
- za svoj rad odgovara naučno-nastavnom, odnosno umjetničko-nastavnom vijeću;
- obavlja i druge poslove utvrđene zakonom i Statutom Univerziteta.

Član 21.d

Dekan se bira na mandat od četiri godine i može biti ponovo izabaran.

Ista osoba se može imenovati na dva uzastopna mandata u istoj organizacionoj jedinici.

Dekana bira naučno-nastavno, odnosno umjetničko-nastavno vijeće, a na osnovu javnog konkursa.

Za dekana može biti izabran nastavnik u naučno-nastavnom i umjetničko-nastavnom zvanju redovnog ili vanrednog profesora ili docenta, ukoliko ispunjava uvjete za to zvanje na Univerzitetu.

Bliže odredbe o postupku izbora i razrješavanja, te razlozima za smjenu dekana fakulteta, odnosno umjetničke akademije prije isteka mandata, poslovima, odgovornostima i ostalim pitanjima koja se odnose na funkciju dekana utvrđuju se Statutom Univerziteta.

Za svoj rad dekan je odgovoran naučno-nastavnom, odnosno umjetničko-nastavnom vijeću.

Član 21.e

Stručno tijelo naučnog instituta je naučno vijeće.

Naučno vijeće instituta čine šefovi podorganizacionih jedinica instituta i zaposlenici instituta sa naučnim stepenom doktora i magistra nauka.

Naučno vijeće ima predsjedavajućeg koji priprema i predsjedava sjednicama.

Predsjedavajući se bira iz reda članova vijeća, s tim da direktor ne može biti imenovan za predsjedavajućeg.

Rad vijeća biće ureden poslovnikom o radu kojeg donosi vijeće u roku do 30 dana od stupanja na snagu ovog zakona.

Naučno vijeće u okviru svoje nadležnosti:

- predlaže Senatu Univerziteta programe naučnoistraživačkog i stručnog rada instituta i programe stručnog usavršavanja;
- bira i razrješava direktora;
- imenuje komisije za pripremanje prijedloga za izbor u naučna zvanja;
- utvrđuje prijedlog za izbor kandidata u naučna zvanja;
- utvrđuje prijedlog za stručno usavršavanje u zemlji i inostranstvu;
- utvrđuje prijedlog za realizaciju praktične nastave;

- utvrđuje naučnoistraživačke projekte;
- utvrđuje strateške projekte za razvoj instituta;
- obavlja i druge poslove u skladu sa Statutom i drugim općim aktima Univerziteta.

Bliže odredbe o nadležnostima naučnog vijeća utvrđuju se Statutom Univerziteta.

Član 21.f

Organ rukovođenja naučnog instituta je direktor.

Direktor naučnog instituta obavlja poslove utvrđene zakonom i Statutom Univerziteta, a naročito:

- predstavlja institut i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta na institutu;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na institutu;
- organizuje naučnoistraživački i stručni rad na institutu i predlaže mjere za njegovo poboljšanje;
- za svoj rad odgovara naučnom vijeću;
- obavlja i druge poslove u skladu sa zakonom i Statutom Univerziteta.

Član 21.g

Direktor se bira na mandat od četiri godine i može biti ponovo izabran.

Ista osoba se može imenovati na dva uzastopna mandata.

Direktora bira naučno vijeće, a na osnovu javnog konkursa.

Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovni profesor vanredni profesor, docent), odnosno naučnih zvanja (naučni savjetnik, viši naučni saradnik, naučni saradnik), ukoliko ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora, utvrđuju se Statutom Univerziteta.

Član 21.h

Organ rukovođenja Studentskog centra je direktor.

Direktor Studentskog centra obavlja poslove utvrđene zakonom i Statutom Univerziteta, a naročito:

- predstavlja Studentski centar i ima prava i obaveze u skladu sa statutom Univerziteta;
- predlaže rektoru unutrašnju organizaciju i sistematizaciju radnih mjesta u Studentskom centru;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u Studentskom centru;
- predlaže promjenu i proširivanje djelatnosti i organizacije Studentskog centra;
- predlaže mjere za poboljšanje i unapređenje procesa rada u Studentskom centru;
- za svoj rad odgovara rektoru Univerziteta;
- obavlja i druge poslove u skladu sa zakonom i Statutom Univerziteta.

Član 21.i

Direktor se bira na mandat od četiri godine i može biti ponovo izabran.

Ista osoba se može imenovati na dva uzastopna mandata.

Direktora bira Upravni odbor, a na osnovu javnog konkursa.

Za direktora Studentskog centra može biti izabrano lice koje pored općih zakonskih uvjeta ima visoku stručnu spremu, najmanje tri godine radnog iskustva na odgovarajućim rukovodećim poslovima.

Bliže odredbe o postupku izbora i razrješenja, te razlozima za smjenu direktora Centra prije isteka mandata, poslovima, odgovornostima i ostalim pitanjima koja se odnose na funkcije direktora utvrđuju se Statutom Univerziteta.

Član 22.

Za rektora, prorektora, dekana i direktora organizacione jedinice Univerziteta ne može biti izabrano i imenovano lice koje ima funkciju u izvršnim organima političke partije ili organizacije koja je povezana sa političkom partijom.

VI AKTI UNIVERZITETA**Član 23.**

Statut je osnovni opći akt Univerziteta kojim se uređuju pitanja značajna za obavljanje djelatnosti Univerziteta.

Statutom se bliže uređuju:

- organizacija Univerziteta;
- zastupanje i predstavljanje Univerziteta;
- pravila za izbor članova Upravnog odbora;
- načini organiziranja i izvođenje studija;
- pravila studiranja i prava studenata;
- izbor u nastavno-naučna i saradnička zvanja;
- način implementacije Evropskog sistema prenosa bodova (u daljem tekstu: ECTS);
- kriteriji za dodjelu akademskih titula;
- obaveze Univerziteta prema osnivaču;
- ovlaštenja Univerziteta u pravnom prometu;
- organizacija i nadležnosti organizacionih jedinica;
- statusne promjene, obrazovanje novih organizacionih jedinica i studijskih odsjeka;
- ostvarivanje prihoda, upravljanje sredstvima i imovinom;
- akademska, finansijska i druga ovlaštenja organizacionih jedinica u pravnom prometu;
- organizacija naučnoistraživačkog i umjetničkog rada;
- kriteriji za provođenje procesa evaluacije i objavljivanje rezultata provedene evaluacije;
- broj članova Senata i način njihovog biranja;
- oblik i nivo učešća studenata u radu ustanove;

- način izjašnjavanja i donošenja odluka po pojedinim pitanjima, kao i preciziranje odluka koje se mogu donositi tajnim glasanjem;
- druga pitanja u skladu sa zakonom.

Univerzitet ima i druge opće akte u skladu sa zakonom i Statutom Univerziteta.

Član 24.

Statut Univerziteta donosi Upravni odbor Univerziteta uz prethodnu saglasnost osnivača.

Izmjena i dopuna Statuta Univerziteta vrši se na način i u postupku predviđenom za donošenje Statuta.

Član 25.

Univerzitet ima stručne i druge organe, u skladu sa zakonom i Statutom Univerziteta.

Statutom Univerziteta određuje se sastav, broj članova i nadležnost stručnih i drugih organa Univerziteta.

VII NADZOR**Član 26.**

Nadzor nad zakonitošću rada Univerziteta vrši resorno ministarstvo.

VIII PRELAZNE I ZAVRŠNE ODREDBE**Član 27.**

Predsjednik i članovi Upravnog odbora, rektor i prorektori Univerziteta, dekani i prodekani fakulteta, direktori instituta i centra izabrani na funkciju prije stupanja na snagu ovog zakona ostaju na istoj dužnosti do isteka mandata na koji su izabrani.

Mandati osoba iz stava 1. ovog člana, računaju se kao prvi mandat i iste osobe mogu biti ponovo birane na iste dužnosti ukoliko ispunjavaju uvjete predviđene zakonom.

Član 28.

Upravni odbor Univerziteta će donijeti Statut Univerziteta i uskladiti druge opće akte Univerziteta sa ovim zakonom u roku od šest mjeseci od dana njegovog stupanja na snagu.

Član 29.

Ovaj zakon predstavlja osnivački akt za upis Univerziteta u sudski registar i akt za brisanje iz sudskog registra Univerziteta u Zenici, fakulteta iz člana 5. ovog zakona i Studentskog centra u Zenici, kao pravnih subjekata, u skladu sa zakonom.

Član 30.

Univerzitet će donijeti Statut i druge opće akte u skladu sa zakonom i ovim zakonom u roku od šest mjeseci od dana stupanja na snagu ovog zakona.

Član 31.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-494-1/18
Datum, 16.01.2018. godine
Z e n i c a

**PREDSJEDAVAJUĆI
ZAKONODAVNO-PRAVNE KOMISIJE**

Ramo Pivić, s.r.

5.

Na osnovu člana 37. stav 1. tačka f) Ustava Zeničko – dobojskog kantona, člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16) i člana 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), Skupština Zeničko-dobojskog kantona, na svojoj 55. sjednici održanoj 31.01.2018. godine, usvaja

ODLUKU

**O PRIHVATANJU ZADUŽENJA PO SPORAZUMU
O FINANSIRANJU IZMEĐU BOSNE I
HERCEGOVINE I MEĐUNARODNE ASOCIJACIJE
ZA RAZVOJ ZA REALIZACIJU PROJEKTA
SVJETSKE BANKE „ENERGETSKA EFIKASNOST
U BOSNI I HERCEGOVINI“ ZA FEDERACIJU BIH
U 2018. GODINI**

Član 1.**(Prihvatanje zaduženja)**

Prihvata se zaduženje Zeničko-dobojskog kantona

prema Federaciji Bosne i Hercegovine (u daljem tekstu: Federacija) u 2018. godini, po osnovu Sporazuma o finansiranju između Bosne i Hercegovine i Međunarodne asocijacije za razvoj za realizaciju Projekta Svjetske banke „Energetska efikasnost u Bosni i Hercegovini“ za Federaciju BiH, u iznosu od 940.847,11 KM.

Član 2.**(Namjena kreditnih sredstava)**

Kreditna sredstva iz člana 1. ove odluke namjenjena su za finansiranje unaprijeđenja energetske efikasnosti na školskim objektima na području Zeničko-dobojskog kantona, kroz mjere energetske efikasnosti koje mogu uključivati sanaciju omotača zgrade, prozora, krova, unaprijeđenje sistema grijanja/hlađenja, osvjetljenja i druge mjere za unaprijeđenje energetske efikasnosti.

Član 3.**(Ovlaštenje za potpisivanje podugovora)**

- (1) Kreditna sredstva iz člana 1. ove odluke, Federacija će posebnim podugovorom prenijeti na Zeničko-dobojski kanton.
- (2) Za potpisivanje posebnih podugovora o prenosu kreditnih sredstava po Projektu iz člana 1. ove odluke, između Federacije i Zeničko-dobojskog kantona, ovlašćuje se ministar Ministarstva finansija Zeničko-dobojskog kantona.

Član 4.**(Uslovi kredita)**

Kreditna sredstva iz člana 1. ove odluke prihvataju se pod sljedećim uslovima:

- a) Iznos kredita940.847,11 KM.
- b) rok otplatedo 10 godina
- c) grace period3 godine
- d) maksimalna stopa troškova održavanja kredita0,5% godišnje
- e) servisni troškovi0,75% godišnje
- f) kamatna stopa 1,25% godišnje
- g) Dospijeća: polugodišnja
- h) Datum plaćanja glavnice i kamata.....15. februar i 15. august svake godine.

Član 5.**(Osiguranje naplate dospjelih obaveza)**

- (1) U svrhu redovne otplate kredita, Zeničko-dobojski kanton je saglasan da Federacija, u slučaju neredovnog ispunjavanja obaveza po Kreditu, bez upozorenja može

Član 4.**(Izmjena i dopuna člana 13.)**

U članu 13. stav (1) iza riječi „veterinarstva“ dodaje se tekst „i zaštita zdravlja bilja“.

Stav (2) mijenja se i glasi:

„Djelatnost Instituta obavlja se kroz organizacijske jedinice i to na takav način da u osnovnoj organizacionoj strukturi funkcionišu organizacione jedinice i to:

- a) Zavod za javno zdravstvo,
- b) Veterinarski zavod,
- c) Zavod za zaštitu zdravlja bilja,

dok se kroz ostale organizacione jedinice mogu objediniti sve djelatnosti koje su zajedničke, opće, administrativne, tehničke, pomoćne i sl.“

Član 5.**(Stupanje na snagu)**

Ovaj Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:01-02-10664 /18
Datum, 28.06.2018. godine
Zenica

PREDSJEDAVALAČI
Jasmin Duvnjak, s.r.

206.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 61. sjednici, održanoj 28.06. 2018. godine, donosi

ZAKON**o dopuni Zakona o****Javnoj ustanovi Univerziteta u Zenici****Član 1.**

U Zakonu o Javnoj ustanovi Univerzitet u Zenici - Prečišćeni tekst („Službene novine Zeničko-dobojskog kantona“, broj: 1/18), iza člana 6. dodaje se novi član 6a. koji glasi:

„Član 6a.

Javne zdravstvene ustanove kao nastavna baza Medicinskog fakulteta su Kantonalna bolnica Zenica,

Institut za zdravlje i sigurnost hrane Zenica, Zavod za medicinu rada i sportsku medicinu Zeničko-dobojskog kantona, Zavod za bolesti ovisnosti Zeničko-dobojskog kantona, Dom zdravlja Zenica, Opća bolnica Tešanj i Poliklinika sa dnevnim bolnicom Doboj-Jug koje se uključuju u nastavni proces Medicinskog fakulteta Univerziteta u Zenici za sticanje praktičnih znanja i vještina studenata.

Položaj i funkcija zdravstvenih ustanova iz stava (1) ovog člana, bliže se reguliše statutom Univerziteta i ugovorom kojim se definišu međusobna prava i obaveze.

Finansiranje nastave, naučno nastavne i naučno-istraživačke djelatnosti Univerziteta koja se realizira u zdravstvenim ustanovama iz stava (1) ovog člana se vrši iz sredstava Univerziteta.“

Član 2.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-10665 /18.
Datum, 28.06.2018. godine
Zenica

PREDSJEDAVALAČI
Jasmin Duvnjak, s.r.

207.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), Skupština Zeničko-dobojskog kantona, na 61. sjednici, održanoj 28.06.2018. godine, donosi

ODLUKU

o usvajanju Elaborata o opravdanosti pokretanja studijskog programa Dizajn i tehnologije u drvoprerađi (DTD), prvog ciklusa studija, na Mašinskom fakultetu Univerziteta u Zenici

Član 1.**(Predmet odluke)**

Usvaja se Elaborat o opravdanosti pokretanja studijskog programa Dizajn i tehnologije u drvoprerađi

UNIVERZITET U ZENICI
ISLAMSKI PEDAGOŠKI FAKULTET



UNIVERSITY OF ZENICA
ISLAMIC PEDAGOGICAL FACULTY
ZENIČKO-DOBOJSKI KANTON

Priloga broj	26	od	7	9
Orn.	10	Klasifik. oznaka		

12625

Broj: 100-03-408/19
Datum: 26. 09. 2019. god.

MINISTARSTVO OBRAZOVANJA ZENIČKO-DOBOJSKOG KANTONA
n/r ministru prof.dr. Spahiji Kozliću

Predmet: Prijedlog za izmjenu Zakona o JU Univerzitet u Zenici

Handwritten notes:
04.10.19
- prijedlog
- izmjena zakona

Poštovani ministre dr. Kozliću,
u vezi sa aktivnostima koje se provode na izmjenama i dopunama Statuta Univerziteta u Zenici želimo da predložimo da se shodno potpisanim Ugovorom o položaju i djelovanju Islamskog pedagoškog fakulteta u sastavu Univerziteta u Zenici i Sporazumom o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici, izmjeni član 11. Zakona o JU Univerzitet u Zenici, na način da član 11. glasi :

« U sastavu Univerziteta ravnopravno djeluje Islamski pedagoški fakultet, kao i ostale organizacione jedinice Univerziteta, uvažavajući njegov poseban status.
Odnos Univerziteta i Fakulteta uređen je Ugovorom o položaju i djelovanju Islamskog pedagoškog fakulteta u sastavu Univerziteta u Zenici i Sporazumom o ostvarivanju akademskih prava i obaveza Islamskog pedagoškog fakulteta u sastavu Univerziteta u Zenici «

Obrazloženje:

Na osnovu člana 65. Okvirnog zakona o visokom obrazovanju u Bosni i Hercegovini (Službeni glasnik BiH 59/07), člana 155. Zakona o visokom obrazovanju (Službene novine Zeničko-dobojskog kantona broj: 6/09,9/13, 13/13, 4/15,5/18) i člana 373. Statuta Univerziteta u Zenici potpisan je Ugovor o položaju i djelovanju Islamskog pedagoškog fakulteta u Zenici. Na osnovu njega imenovana je zajednička Komisija koja je usaglasila tekst Sporazuma o akademskim pravima i obavezama Islamskog pedagoškog fakulteta u sastavu Univerziteta u Zenici, na koji je Senat Univerziteta dao saglasnost.


Želimo napomenuti da je postupak usaglašavanja ovih dokumenata počeo još u 2016. godini i u njemu su učestvovali predstavnici Univerziteta na čelu sa rektorima prof. dr. Dževadom Zečićem, prof.dr. Damirom Kukićem i prorektorom za nastavu prof.dr. Enesom Hašićem, predstavnici Vlade i Ministarstva obrazovanja Zeničko dobojskog kantona, kao i predstavnici Uprave za obrazovanje i nauku Rijasetu Islamske zajednice u BiH i Islamskog pedagoškog fakulteta.

U cilju iznalaženja najboljih rješenja konsultovali smo slične ustanove u zemljama EU, ali i druge javne univerzitete u BiH.

Smatramo da smo na kvalitetan način uredili ovaj odnos i u javni univerzitet integrirali visokoškolsku ustanovu čiji osnivač nije Skupština kantona.

Ova izmjena Zakona predstavlja usklađivanje teksta zakona sa aktima koji su usvojeni nakon njegovog usvajanja, predstavljat će pravni osnov za izmjenu Statuta Univerziteta u Zenici i što je važno napomenuti, ne zahtjeva povećanje Budžeta Zeničko-dobojskog kantona.

S poštovanjem,



DEKAN
Handwritten signature
Prof.dr. Muharem Adilović

Na osnovu člana 65. Okvirnog zakona o visokom obrazovanju u Bosni i Hercegovini („Službeni glasnik BiH“, broj: 59/07 i 59/09), člana 155. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19) i člana 5. Ugovora o položaju i djelovanju Islamskog pedagoškog fakulteta u sastavu Univerziteta u Zenici od 08.08.2018. godine, Univerzitet u Zenici, ulica Fakultetska br. 1., koju zastupa prof.dr.sc. Damir Kukić, rektor i Islamski pedagoški fakultet u Zenici, ulica Juraja Neidharata br. 15, koju zastupa prof.dr.sc. Halil Mehtić, dekan, (u daljem tekstu Ugovorne strane) dana 19.06.2019. godine zaključili su:

SPORAZUM

O OSTVARIVANJU AKADEMSKIH PRAVA I OBAVEZA ISLAMSKOG PEDAGOŠKOG FAKULTETA U SASTAVU UNIVERZITETA U ZENICI

Član 1.

(Status Fakulteta u sastavu Univerziteta)

Islamski pedagoški fakultet u Zenici (u nastavku teksta Fakultet), u skladu sa Zakonom o visokom obrazovanju Zeničko-dobojskog kantona i Ugovora o položaju i djelovanju Islamskog pedagoškog fakulteta u sastavu Univerziteta u Zenici, djeluje u sastavu Univerziteta u Zenici (u daljem tekstu Univerzitet) kao i ostale organizacione jedinice Univerziteta, uvažavajući njegov poseban status.

Član 2.

(Posebnost statusa Fakulteta)

- (1) U sastavu Univerziteta u Zenici Fakultet je izjednačen u svim akademskim pravima i obavezama sa ostalim organizacionim jedinicama Univerziteta.
- (2) Poseban status proizilazi iz činjenice da je Osnivač Fakulteta Islamska zajednica u Bosni i Hercegovini, te da Osnivač ima određena prava u radu Fakulteta.

Član 3.

(Prava i obaveze Fakulteta)

- (1) Ovim Sporazumom Fakultet obezbeđuje pravo na:
 - akreditaciju i licenciranje postojećih i novih studijskih programa u okviru Univerziteta,
 - ostvarivanje i unapređivanje djelatnosti visokog obrazovanja i naučnoistraživačkog rada,
 - izbor nastavnika i saradnika u nastavno-naučna zvanja, te aktivnije učešće nastavnih i drugih naučnih radnika u realizaciji zajedničkih programskih ciljeva,
 - ujednačavanje kriterija za vrednovanje znanja i rada studenata,
 - donošenje odluka o cijenama koštanja studija na Fakultetu, uz prethodnu saglasnost Vlade Zeničko-dobojskog kantona,
 - donošenje odluka o cijeni časa za vanjske saradnike na Fakultetu, uz prethodnu saglasnost Vlade Zeničko-dobojskog kantona,
 - unapređenje i koordinaciju nastavnog-naučnog i naučnoistraživačkog rada, te organizovanje i izvođenje multidisciplinarnih obrazovnih i naučnoistraživačkih programa,
 - unapređenje svih vidova međufakultetske, međuuniverzitetske i međunarodne saradnje,
 - postizanje veće efektivnosti i kvaliteta studiranja pomoću organizovanog i zajedničkog korištenja prostora, opreme i drugih materijalnih uslova rada,
 - na ostala akademska prava i obaveze u skladu sa zakonom i drugim propisima.
- (2) Fakultet u radu Univerziteta ima obavezu:
 - da angažovanje svog nastavnog, saradničkog i naučnog kadra, kao i drugih raspoloživih ljudskih potencijala, usmjerava prvenstveno prema matičnim katedrama, pa tek onda prema drugim visokoškolskim i naučnim ustanovama.

- da stavlja na raspolaganje svoje bibliotečke, informatičke i prostorne kapacitete za potrebe Univerziteta, uz uvažavanje posebnog statusa Fakulteta.
- izvršava odluke nadležnih organa Univerziteta u vezi nastavno - naučne djelatnosti,
- sudjeluje u kreiranju razvoja i poboljšanja rada Univerziteta.

Član 4.

(Angažovanje vanjskih saradnika)

- (1) Fakultet prilikom formiranja nastavničkog tima uzima u obzir inicijativu matične katedre sa prijedlogom angažmana nastavnika ili saradnika koji je u stalnom radnom odnosu na Univerzitetu.
- (2) NNV Fakulteta će na prijedlog prodekana za nastavu utvrditi konačan prijedlog kojeg dostavlja Senatu Univerziteta na usvajanje.
- (3) Finansijske obaveze prema nastavnicima i saradnicima nastale angažovanjem u nastavi, rješavat će se posebnim ugovorima između nastavnika i Univerziteta ili Fakulteta.

Član 5.

(Članstvo u katedrama)

Nastavnici i saradnici Fakulteta u stalnom radnom odnosu, članovi su matične katedre za kojoj su izabrani.

Član 6.

(Angažman na drugoj visokoškolskoj ustanovi)

- (1) Nastavnici i saradnici Univerziteta obavezni su dobiti saglasnost Senata za angažman na Fakultetu.
- (2) Nastavnici i saradnici Fakulteta obavezni su dobiti saglasnost NNV za angažman na Univerzitetu.

Član 7.

(Zapošljavanje nastavnika i saradnika)

Zapošljavanje nastavnika i saradnika na Fakultetu vrši se u skladu sa zakonskim i drugim propisima koji regulišu ovu oblast.

Član 8.

(Novi naziv Fakulteta)

- (1) Fakultet ima pravo i obavezu korištenja naziva i znaka Univerziteta u Zenici u svom nazivu, a što će biti regulisano izmjenom i dopunom osnivačkog akta Fakulteta.
- (2) Na pečatima, štambiljima i memorandumu Fakulteta bit će ispisan tekst naziva Fakulteta shodno potpisanom Ugovoru između Vlade Zeničko-dobojskog kantona i Islamske zajednice u Bosni i Hercegovini.

Član 9.

(Pravni status)

Fakultet ima svojstvo pravnog lica, zasebnog budžetskog korisnika i pravnog djelovanja prema trećim licima, u skladu sa zakonom.

Član 10.

(Djelatnost Fakulteta)

Fakultet u sastavu Univerziteta obavlja djelatnosti definisane osnivačkim aktom.

Član 11.

(Izbor u akademska zvanja)

- (1) Izbor u akademska zvanja na Fakultetu vrši se u skladu sa Zakonom o visokom obrazovanju, Statutom Univerziteta, Pravilima i općim aktom Fakulteta.
- (2) Fakultet se obraća matičnoj katedri za pokretanje inicijative za izbor u zvanje nastavnika ili saradnika ukoliko je to potrebno za redovno izvođenje nastavnog procesa.

- (3) Matična katedra može prije pokretanja inicijative za izbor ponuditi angažman već izabranog nastavnika i saradnika samo ukoliko mu nedostaje do pune norme ili se radi o zamjeni nastavnika i saradnika.
- (4) Konačnu Odluku o raspisivanju konkursa za izbor u akademsko zvanje donosi Senat Univerziteta na prijedlog Naučno-nastavnog vijeća Fakulteta.

Član 12.

(Ovlaštenje za angažman na Fakultetu)

- (1) U postupku izbora člana akademskog osoblja, nosiocima vjerskog autoriteta u Islamskoj zajednici, Fakultet je obavezan za kandidata predloženog za izbor pribaviti ovlaštenje (muraselu) od reisu-l-uleme Islamske zajednice u Bosni i Hercegovini, a što je u skladu s Ustavom Islamske zajednice u Bosni i Hercegovini.
- (2) Reisu-l-ulema Islamske zajednice u Bosni i Hercegovini može, zbog razloga koji se tiču vjere i morala, a na prijedlog Naučno-nastavnog vijeća Fakulteta, članu akademskog osoblja uskratiti ili opozvati ovlaštenje daljnjeg učestvovanja u nastavnom procesu na Fakultetu.
- (3) Rijaset Islamske zajednice u Bosni i Hercegovini, u skladu s Ustavom Islamske zajednice u Bosni i Hercegovini, potvrđuje izbor nastavnog osoblja na katedrama za koje je matičan Fakultet i daje saglasnost za prijem u radni odnos.

Član 13.

(Usvajanje Nastavnih planova i programa)

- (1) Univerzitet usvaja nastavne planove i programe na prijedlog Naučno-nastavnog vijeća Fakulteta uz prethodnu saglasnost Rijaseta Islamske zajednice u Bosni i Hercegovini.
- (2) Za vjerske predmete u okviru nastavnog plana i programa Fakulteta, Univerzitet usvaja plan i program tih predmeta, bez ingerencije da ih mijenja ili ukida.
- (3) Fakultet je obavezan u obrazloženju nastavnog plana i programa navesti koji nastavni predmeti su vjerske prirode u skladu sa stavom (2) ovoga člana.
- (4) Izmjene i dopune nastavnog plana i programa vrše se po proceduri koja važi za njegovo usvajanje.

Član 14.

(Osnivanje novih odsjeka)

Osnivanje novih odsjeka na Fakultetu provodi se po uspostavljenim procedurama na Univerzitetu, uz obavezno davanje prethodne saglasnosti od strane Rijaseta Islamske zajednice u Bosni i Hercegovini.

Član 15.

(Diplome)

- (1) Diplome studentima, koji uspješno okončaju studij na Fakultetu, potpisuje reisu-l-ulema Islamske zajednice u Bosni i Hercegovini, rektor Univerziteta i dekan Fakulteta.
- (2) U pogledu sadržaja i izgleda diploma, kao i dodjeljivanja diploma poštovat će se specifičnosti Fakulteta.

Član 16.

(Broj predstavnika Fakulteta u Senatu Univerziteta i drugim tijelima)

- (1) Fakultet ima jednak broj predstavnika u Senatu Univerziteta kao i ostali fakulteti na Univerzitetu.
- (2) Prilikom imenovanja drugih tijela ili komisija imat će se u vidu i predstavnici Fakulteta.

Član 17.

(Pravila Fakulteta)

- (1) Fakultet će donijeti pravila u skladu sa pozitivnim zakonskim propisima i propisima Islamske zajednice u Bosni i Hercegovini.

- (2) Na pravila iz stava (1) ovog člana prethodnu saglasnost daje Rijaset Islamske zajednice u Bosni i Hercegovini.
- (3) Opći akt Fakulteta kojim se uređuje njegova unutrašnja organizacija i djelovanje mora biti u saglasnosti sa zakonom, pri čemu se uvažava specifičnost Fakulteta, kao i prava i obaveze ustanovljene ovim Sporazumom.

Član 18.

(Izmjene i dopune Sporazuma)

Izmjene i dopune ovog Sporazuma vrše se na način i po postupku kao za njegovo zaključenje.

Član 19.

(Tumačenje odredaba)

Eventualne nesporazume ili poteškoće u provođenju i tumačenju odredaba ovog Sporazuma rješavat će posebna komisija, a koju čine rektor (u ime Univerziteta), dekan (u ime Fakulteta), odnosno lica koja oni ovlaste.

Član 20.

(Istupanje Fakulteta iz sastava Univerziteta)

Fakultet zadržava pravo, da po odluci Rijaset Islamske zajednice u Bosni i Hercegovini, sporazumno ili jednostrano raskine ovaj Sporazum i istupi iz Univerziteta, pod sljedećim uslovima:

- da o svojoj odluci obavijesti Univerzitet najmanje 6 (šest) mjeseci prije istupanja,
- da okonča već započetu akademsku godinu,
- da izvrši sve svoje preuzete radnje i finansijske obaveze prema Univerzitetu.

Član 21.

(Prelazne odredbe)

Za ostala pitanja koja nisu obuhvaćena ovim sporazumom, a tiču se položaja i djelovanja Fakulteta u sastavu Univerziteta, primjenjuju se propisi koji u Bosni i Hercegovini i Zeničko-dobojskom kantonu regulišu djelatnost visokog obrazovanja i naučnoistraživačku djelatnost, Zakon o slobodi vjere i pravnom položaju crkava i vjerskih zajednica u Bosni i Hercegovini, Zakon o ustanovama, propisi Islamske zajednice u Bosni i Hercegovini, Statut Univerziteta i Pravila Fakulteta.

Član 22.

(Završne odredbe)

- (1) Ugovorne strane saglasne su da u roku od 60 dana svako u domenu svoje nadležnosti pokrene izmjene i dopune zakonskih i podzakonskih akata.
- (2) Odredbe ovog Sporazuma, čija primjena zavisi od izmjene i dopune zakonskih i podzakonskih akata, primjenjivat će se nakon donošenja odgovarajućih izmjena i dopuna zakonskih i podzakonskih akata.
- (3) Ovaj Sporazum sastavljen je u šest primjeraka, po tri za svaku stranu, a stupa na snagu danom potpisivanja.

U Zenici, 19.06.2019. godine

Broj protokola: 01-03-10-2402/19

Broj protokola: 120-5-228/19

REKTOR

Prof.dr.sc. Damir Kukić



DEKAN

Prof.dr.sc. Halil Mehić

28. 08. 2018

120-05-270/18

Na osnovu člana 65. Okvirnog zakona o visokom obrazovanju u Bosni i Hercegovini (Službeni glasnik BiH 59/07) i člana 155. Zakona o visokom obrazovanju (Službene novine Zeničko-dobojskog kantona broj: 6/09,9/13, 13/13, 4/15,5/18) Vlada Zeničko-dobojskog kantona sa sjedištem u Zenici, ulica Kučukovići br. 2., koju zastupa gosp. Miralem Galijašević, premijer i Islamska zajednica u Bosni i Hercegovini sa sjedištem u Sarajevu, ulica Zelenih beretki br. 17, koju zastupa Husein ef. Kavazović, reisu-l-ulema, (u daljem tekstu Ugovorne strane) dana 08.08.2018.god. u Zenici zaključili su:

UGOVOR

O POLOŽAJU I DJELOVANJU ISLAMSKOG PEDAGOŠKOG FAKULTETA U SASTAVU UNIVERZITETA U ZENICI

Član 1.

(Status Fakulteta u sastavu Univerziteta)

Islamski pedagoški fakultet u Zenici (u nastavku teksta Fakultet), kao pravni sljedbenik Islamske pedagoške akademije u Zenici, u skladu sa Zakonom o visokom obrazovanju ravnopravno djeluje u Univerzitetu u Zenici (u daljem tekstu Univerzitet) kao i ostale organizacione jedinice Univerziteta, uvažavajući njegov poseban status.

Član 2.

(Ravnopravnost i poseban status Fakulteta)

- (1) Ravnopravnost se ogleda u činjenici da je Fakultet izjednačen u svim akademskim pravima i obavezama sa ostalim organizacionim jedinicama Univerziteta.
- (2) Poseban status ogleda se u činjenici da je osnivač Fakulteta Islamska zajednica u Bosni i Hercegovini, te da osnivač ima određena prava u radu Fakulteta.

Član 3.

(Osnivačka i upravljačka prava)

Islamska zajednica u Bosni i Hercegovini zadržava osnivačka i upravljačka prava i pravo nad nepokretnom i pokretnom imovinom Fakulteta u skladu sa odredbama Zakona o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik Bosne i Hercegovine“, broj: 5/04).

Član 4.

(Prava i obaveze Fakulteta)

- (1) Ovim Ugovorom Fakultet obezbjeđuje pravo na:
- akreditaciju i licenciranje postojećih i novih studijskih programa u okviru Univerziteta,
 - finansiranje studijskih programa, u skladu sa usvojenim Standardima i Normativima Ze-do kantona, jednako kao i ostalim fakultetima Univerziteta,
 - ostvarivanje i unapređivanje djelatnosti visokog obrazovanja i naučno-istraživačkog rada,
 - izbor nastavnika i saradnika u nastavno-naučna zvanja, te aktivnije učešće nastavnih i drugih naučnih radnika u realizaciji zajedničkih programskih ciljeva,
 - ujednačavanje kriterija za vrednovanje znanja i rada studenata,
 - unapređenje i koordinaciju nastavnog-naučnog i naučno-istraživačkog rada, te organizovanje i izvođenje multidisciplinarnih obrazovnih i naučnoistraživačkih programa,
 - unapređenje svih vidova međufakultetske, međuuniverzitetske i međunarodne saradnje,
 - postizanje veće efektivnosti i kvaliteta studiranja pomoću organizovanog i zajedničkog korištenja prostora, opreme i drugih materijalnih uslova rada.

(2) Fakultet u radu Univerziteta ima obavezu:

- da angažovanje svog nastavnog, saradničkog i naučnog kadra, kao i drugih raspoloživih ljudskih potencijala, usmjerava prvenstveno prema matičnim katedrama, pa tek onda prema drugim visokoškolskim i naučnim ustanovama,
- da stavlja na raspolaganje svoje bibliotečke, informatičke i prostorne kapacitete za potrebe Univerziteta,
- izrađuje viziju razvoja Fakulteta za naredni period.

Član 5.

(Realizacija Ugovora)

- (1) Imajući u vidu akademsku slobodu i autonomiju, u ostvarivanju akademskih prava i obaveza predviđenih zakonom, Fakultet i Univerzitet će u roku od 90 dana od dana zaključenja ovog Ugovora, zaključiti poseban sporazum koji će bliže definirati procedure ostvarivanja akademskih prava i obaveze poštujući odredbe ovog Ugovora.
- (2) Fakultet je obavezan dobiti prethodnu saglasnost Rijasete Islamske zajednice u Bosni i Hercegovini za potpisivanje posebnog sporazuma.

Član 6.

(Novi naziv Fakulteta)

- (1) Fakultet ima pravo i obavezu korištenja naziva i znaka Univerziteta u Zenici u svom nazivu, a što će biti regulisano izmjenom i dopunom osnivačkog akta Fakulteta.
- (2) Novi naziv Fakulteta glasi: Univerzitet u Zenici-Islamski pedagoški fakultet
- (3) Na pečatima, štambiljima i memorandumu Fakulteta bit će ispisan tekst naziva Fakulteta kako je navedeno u prethodnom stavu.

Član 7.

(Pravni status)

Fakultet ima svojstvo pravnog lica, zasebnog budžetskog korisnika i pravnog djelovanja prema trećim licima, u skladu sa zakonom.

Član 8.

(Djelatnost Fakulteta)

Fakultet u sastavu Univerziteta obavlja djelatnosti definisane osnivačkim aktom.

Član 9.

(Imenovanje dekana)

- (1) Naučno-nastavno vijeće Fakulteta, prema proceduri utvrđenoj Zakonom o visokom obrazovanju bira i imenuje dekana.
- (2) U skladu s Ustavom Islamske zajednice u Bosni i Hercegovini, Rijaset Islamske zajednice u Bosni i Hercegovini daje saglasnost na izbor dekana.

Član 10.

(Izbor u akademska zvanja)

- (1) Izbor u akademska zvanja na Fakultetu vrši se u skladu sa Zakonom o visokom obrazovanju, Statutom Univerziteta, Pravilima i općim aktom Fakulteta.
- (2) Odluku o izboru u akademsko zvanje donosi Senat Univerziteta na prijedlog Naučno-nastavnog vijeća Fakulteta.
- (3) U postupku izbora člana akademskog osoblja, Fakultet je obavezan za kandidata predloženog za izbor pribaviti ovlaštenje (*murasetu*) od reisu-l-uleme Islamske zajednice u Bosni i Hercegovini, a što je u skladu s Ustavom Islamske zajednice u Bosni i Hercegovini.
- (4) Reisu-l-ulema Islamske zajednice u Bosni i Hercegovini može, zbog razloga koji se tiču vjere i morala, a na prijedlog Naučno-nastavnog vijeća Fakulteta, članu akademskog osoblja uskratiti ili opozvati ovlaštenje (*murasetu*) čime taj član akademskog osoblja gubi mogućnost daljnjeg učestvovanja u nastavnom procesu na Fakultetu.

Član 11.

(Usvajanje Nastavnih planova i programa)

- (1) Univerzitet usvaja nastavne planove i programe na prijedlog Naučno-nastavnog vijeća Fakulteta uz prethodnu saglasnost Rijasetu Islamske zajednice u Bosni i Hercegovini.
- (2) Za vjerske predmete u okviru nastavnog plana i programa Fakulteta, Univerzitet usvaja plan i program tih predmeta, bez ingerencije da ih mijenja ili ukida.
- (3) Fakultet je obavezan u obrazloženju nastavnog plana i programa navesti koji nastavni predmeti su vjerske prirode u skladu sa stavom (2) ovoga člana.
- (4) Izmjene i dopune nastavnog plana i programa vrše se po proceduri koja važi za njegovo usvajanje.

Član 12.

(Osnivanje novih odsjeka)

Osnivanje novih odsjeka na Fakultetu provodi se po uspostavljenim procedurama na Univerzitetu, uz obavezno davanje predhodne saglasnosti od strane Rijasetu Islamske zajednice u BiH.

Član 13.

(Diplome)

- (1) Diplome studentima, koji uspješno okončaju studij na Fakultetu, potpisuje reisu-l-ulema Islamske zajednice u Bosni i Hercegovini, rektor Univerziteta i dekan Fakulteta.
- (2) U pogledu sadržaja i izgleda diploma, kao i dodjeljivanja diploma poštovaće se specifičnosti Fakulteta.

Član 14.

(Broj predstavnika Fakulteta u Senatu Univerziteta)

Fakultet ima jednak broj predstavnika u Senatu Univerziteta kao i ostali fakulteti na Univerzitetu.

Član 15.

(Pravila Fakulteta)

- (1) Fakultet će donijeti pravila u skladu sa pozitivnim zakonskim propisima i propisima Islamske zajednice u Bosni i Hercegovini.
- (2) Na pravila iz stava (1) ovog člana prethodnu saglasnost daje Rijaset Islamske zajednice u Bosni i Hercegovini.
- (3) Opći akt Fakulteta kojim se uređuje njegova unutrašnja organizacija i djelovanje mora biti u saglasnosti sa zakonom, pri čemu se uvažava specifičnost Fakulteta, kao i prava i obaveze ustanovljene ovim sporazumom.

Član 16.

(Imovina Fakulteta)

- (1) Islamska zajednica u Bosni i Hercegovini zadržava pravo vlasništva nad imovinom Fakulteta.
- (2) Fakultetu će pripadati i ona imovina koju stekne od Islamske zajednice u Bosni i Hercegovini ili poklona i zavještanja trećih lica nakon potpisivanja ovog ugovora.

Član 17.

(Izmjene i dopune Ugovora)

Izmjene i dopune ovog ugovora vrše se na način i po postupku kao za njegovo zaključenje.

Član 18.

(Tumačenje odredaba)

Eventualne nesporazume ili poteškoće u provođenju i tumačenju odredaba ovog Ugovora rješavati će posebna komisija, a koju čine premijer Vlade (u ime Vlade Zeničko-dobojskog kantona), reisu-l-ulema (u ime Rijasetu Islamske zajednice u Bosni i Hercegovini), odnosno lica koja oni ovlaste.

Član 19.

(Istupanje Fakulteta iz sastava Univerziteta)

Fakultet zadržava pravo, da po odluci Rijaseta Islamske zajednice u Bosni i Hercegovini, sporazumno ili jednostrano raskine ovaj Ugovor i istupi iz Univerziteta, pod sljedećim uslovima:

- da o svojoj odluci obavjesti Univerzitet najmanje 6 (šest) mjeseci prije istupanja,
- da okonča već započetu akademsku godinu,
- da izvrši sve svoje preuzete radnje i finansijske obaveze prema Univerzitetu.

Član 20.

(Prijelazne odredbe)

Za ostala pitanja koja nisu obuhvaćena ovim ugovorom, a tiču se položaja i djelovanja Fakulteta u sastavu Univerziteta, primjenjuju se propisi koji u Bosni i Hercegovini i Zeničko-dobojskom kantonu reguliraju djelatnost visokog obrazovanja i naučnoistraživačku djelatnost, Zakon o slobodi vjere i pravnom položaju crkava i vjerskih zajednica u Bosni i Hercegovini, Zakon o ustanovama, propisi Islamske zajednice u Bosni i Hercegovini, Statut Univerziteta i Pravila Fakulteta.

Član 21.

(Prestanak važenja ranijih ugovora)

Stupanjem na snagu ovog Ugovora, prestaje da važi Ugovor o pridruživanju Islamske pedagoške akademije u Zenici u Univerzitet u Zenici od 08.09.2004. godine.

Član 22.

(Završne odredbe)

Ovaj ugovor sastavljen je u šest primjeraka, po tri za svaku stranu, a stupa na snagu danom potpisivanja.


Ugovor će se objaviti u Službenim novinama Zeničko-dobojskog kantona i Glasniku Islamske zajednice BiH.

U Zenici, 08.08. 2018. godine

Br. protokola: 02-38-12477/18

Br. protokola: 03-08-2-4070/18

Premijer
Miralem Galijašević



Reisu-l-ulema
Husein-ef. Kavazović